

枝江縣志卷之十五

人物志上

王制分大川廣谷劑其輕重剛柔爾雅區南北東西辨其知仁信勇周官士會之灋所謂毛方黑津之屬亦此意也一邑之中五地備焉土著者某山某水釣遊固自有方浮寄者一傳再傳子姓遂安其俗若夫材爲晉用必原桑梓之鄉客或楚游難沒雪泥之迹是皆然矣志人物

宦蹟

枝江縣志

卷之十五

人物志上

一

周

鬪伯比若敖熊儀之後也以邑爲氏武王侵隨使鬻章求成焉隨使少師董成伯比請羸師以張之熊率且比曰季梁在何益伯比曰以爲後圖少師得其君後二年隨少師有寵伯比曰仇有釁不可失也武王伐隨隨師敗績獲少師請平楚子將不許曰天去其疾矣隨未可克也乃盟而還屈瑕伐羅伯比送之曰莫敖必敗舉趾高心不固矣及羅羅與盧戎兩軍之果

大敗

鄭樵通志餘見列女鄧曼傳

遠章楚大夫左傳桓公八年夏楚子合諸侯於沈鹿黃
隨不會使遠章讓黃又桓公九年巴子使韓服告於
楚請與鄧爲好楚子使道朔將巴客以聘於鄧鄧南
鄙鄧人攻而奪之幣殺道朔及巴行人楚子使遠章
讓於鄧鄧人弗受夏楚使鬬廉帥師及巴師圍鄧鄧
養甥聃甥帥師救鄧三逐巴師不克鬬廉衡陳其師
於巴師之中以戰而北鄧人逐之背巴師而夾攻之
鄧師大敗鄧人宵潰

又見伯
比傳

鬬廉楚大夫左傳桓公十一年楚屈瑕將盟貳軫鄧人

棧江縣志

卷之十五

人物志上

二

軍於蒲騷將與隨絞州蓼伐楚師莫敖患之鬬廉曰
鄧人軍其郊必不誠且日虞四邑之至也君次於郊
郢以禦四邑我以銳師宵加於鄧鄧有虞心而恃其
城莫有鬬志若敗鄧師四邑必離莫敖曰盍請濟師
於王對曰師克在和不在眾商周之不敵君之所聞
也成軍以出又何濟焉莫敖曰人之對曰人以決疑
不疑何人遂敗鄧師於蒲騷卒盟而還

鬬祈楚令尹

見列女
鄧曼傳

屈重楚莫敖

見列女
鄧曼傳

漢

董和字幼宰南郡枝江人也其先本巴郡江洲人漢末和率宗族西遷益州牧劉璋以爲牛鞞江原長成都令蜀土富實時俗奢侈貨殖之家侯服玉食婚姻葬送傾家竭產和躬率以儉惡衣蔬食防遏踰僭爲之軌制所在皆移風變善畏而不犯然縣界豪彊憚和嚴法說璋轉和爲巴東屬國都尉吏民老弱相攜乞留和者數千人璋聽留二年還遷益州太守其清約如前與蠻夷從事務推誠心南土愛而信之先主定

枝江縣志

卷之十五

人物志上

三

蜀徵和爲掌軍中郎將與軍師將軍諸葛亮並署左將軍大司馬府事獻可替否共爲歡交自和居官食祿外牧殊域內幹機衡二十餘年死之日家無儋石之財亮後爲丞相教與羣下曰夫參署者集眾思廣忠益也若遠小嫌難相違覆曠闕損矣違覆而得中猶棄弊躄而獲珠玉然人心苦不能盡惟徐元直處茲不惑又董幼宰參署七年事有不至至於十反來相啟告苟能慕元直之十一幼宰之殷勤有忠於國則亮可少過矣又曰昔初交州平屢聞得牛後交元

直勤見啟誨前參事於幼宰每言則盡後從事於偉
度數有諫止雖姿性鄙暗不能悉納然與此四子終
始好和亦足以明其不疑於直言也其追思和如此
蜀志
本傳

董允字休昭掌軍中郎將和之子也先主立太子允以
選爲舍人徙洗馬後主襲位遷黃門侍郎丞相亮將
北征住漢中慮後主富於春秋朱紫難別以允秉心
公亮欲任以宮省之事上疏曰侍中郭攸之費禕侍
郎董允等先帝簡拔以遺陛下至於斟酌規益進盡

枝江縣志

卷之十五

人物志上

四

忠言則其任也愚以爲宮中之事事無大小悉以咨
之必能裨補闕漏有所廣益若無興德之言則戮允
等以彰其慢亮尋請禕爲參軍允遷爲侍中領虎賁
中郎將統宿衛親兵攸之性素和順備員而已獻納
之任允皆專之矣允處事爲防制甚盡匡救之理後
主常欲采擇以充後宮允以爲古者天子后妃之數
不過十二今嬪嬙已具不宜增益終執不聽後主益
嚴憚之尙書令蔣琬領益州刺史上疏以讓費禕及
允又表允內侍歷年翼贊王室宜賜爵土以褒勲勞

允固辭不受後主漸長大愛宦人黃皓皓便僻佞慧欲自容入允常上則正色匡主下則數責於皓皓畏允不敢爲非終允之世皓位黃門丞允嘗與尙書令費禕中典軍胡濟等共期游宴嚴駕已辨而郎中襄陽董恢詣允修敬恢年少官微見允停出逡巡求去允不許曰本所以出者欲與同好游談也今君已自屈方展闊積舍此之談就彼之宴非所謂也乃命解驂禕等罷駕不行其守正下士凡此類也延熙六年加輔國將軍七年以侍中守尙書令爲大將軍費禕

棧江縣志

卷之十五

人物志上

五

副貳九年卒

蜀志本傳

霍峻字仲邈南郡棧江人也兄篤於鄉里合郡曲數百人篤卒荊州牧劉表令峻攝其眾表卒峻率眾歸先主先主以峻爲中郎將先主自葭萌南還襲劉璋留峻守葭萌城張魯遣將楊帛誘峻求共守城峻曰小人頭可得城不可得帛乃退去後璋將扶禁向存等帥萬餘人由閬水上攻圍峻且一年不能下峻城中兵纔數百人伺其怠隙選精銳出擊大破之卽斬存首先主定蜀嘉峻之功乃分廣漢爲梓潼郡以峻爲

梓潼太守裨將軍在官三年年四十卒還葬成都先
主甚悼惜詔諸葛亮曰峻既佳士加有功於國欲行
醢遂親率羣僚臨會弔祭因留宿墓上當時榮之蜀志

本傳

霍篤峻之兄見霍峻傳

霍弋字紹先峻子先主末年為太子舍人後主踐祚除
謁者丞相諸葛亮北駐漢中請為記室使與子喬共
周旋游處亮卒為黃門侍郎後主立太子璿以弋為
中庶子璿好騎射出入無度弋援引古義盡言規諫

梓江縣志 卷之十五 人物志上 六

甚得切磋之體後為參軍庾亮屯副貳都督又轉護
軍統事如前時永昌郡邑獠恃險不賓數為寇害乃
以弋領永昌太守率偏軍討之遂斬其豪帥破壞邑
落郡界甯靜遷監軍翊軍將軍領建甯太守還統南
郡事景耀六年進號安南將軍蜀志霍峻傳

晉

霍在龔弋子弋卒代為交州刺史領其眾和諸姓見華陽國

志舊志 佚今補

霍彪弋孫初為越嶲太守復為建甯太守後降於成蜀

李雄雄分甯州爲交州以彪爲交州刺史

見華陽國志

梁

劉之遴字思貞八歲能屬文蚪曰此兒必以文興吾宗常謂諸子曰若比之顏氏之遴得吾之文年十五舉茂才明經對策沈約任昉見而異之時張稷新除尙書僕射託昉爲讓表昉令之遴代作操筆立成昉曰荆南秀氣果有異才後位必當過僕後爲荆州從事梁簡文帝臨荆州仍遷宣惠記室之遴篤學明審博覽羣籍時劉顯韋稜併稱強記之遴每與討論或不

枝江縣志

卷之十五

人物志上

七

過也累遷中書侍郎後除南郡太守武帝謂曰卿母年德並高故令卿衣錦還鄉盡榮養之理轉西中郎湘東王繹長史太守如故初之遴在荆州常寄居南郡忽夢前太守袁彖謂曰卿後當爲折臂太守卽居此中之遴後牛奔墮車折臂右手偏直不復得屈伸書則以手就筆歎曰豈黥而手乎周捨嘗戲之曰雖復竝坐可橫政恐陋巷無枕後爲都官尙書太常卿始武帝於齊代爲荆州諮議時之遴父蚪隱在百里洲早相知聞帝偶匱乏遣就蚪換穀百斛之遴時在

父側曰蕭諮議躋士云何能得春願與其米蚪從之
及帝卽位常懷之侯景初以蕭正德爲帝之遴時落
景所將使授璽紱之遴預知仍剃髮披法服乃免尋
避難還鄉湘東王嘗嫉其才學聞其西上至夏口密
送藥殺之不欲使人知乃自製誌銘厚其賻贈前後
文集五十卷子三達字三善數歲能清言及屬文州
將湘東王繹聞之盛集賓客召而試之說義屬詩皆
有理致年十二聽江陵令賀草講禮還仍覆述不遺
一旬年十八卒之遴深懷悼恨乃題墓曰梁妙士以

枝江縣志

卷之十五

人物志上

八

旌之

節錄南
史本傳

劉之亨字嘉會年四歲出後叔父嵩及長好學美風姿
善占對武帝臨荊州唯與蚪談蚪見之遴之亨帝曰
之遴必以文章顯之亨當以功名著後州舉秀才除
太學博士仍代兄之遴爲中書通事舍人累遷步兵
校尉湘東王繹諮議參軍大通六年出師南鄭詔湘
東王節度諸軍之亨以司典辰卿爲行臺承制途出本
州北界總督眾軍杖節而西樓船戈甲甚盛老小緣
岸觀曰是前舉秀才者是行也大致尅復軍士有功

皆錄唯之亨爲蘭欽所訟執政因而陷之故封賞不行久之帝讀陳湯傳恨其立功絕域而爲文吏所抵宦者張僧允曰外間論者竊謂劉之亨似之帝感悟封爲臨江子之亨美績嘉聲在朱异之右旣不協懼爲所害故美出之以代之遴爲安西湘東王繹長史南郡太守上問朱异曰之亨代兄喜不兄弟因循豈直大馮小馮而已在郡有異績卒荆土懷之不復稱名號爲大南郡小南郡子廣德亦好學負才任氣承聖中位湘東太守陳大建中歷河東太守卒官之亨

枝江縣志

卷之十五

人物志上

九

弟之遲位荊州中從事史子仲威少有志氣頗涉文史梁承聖中爲中書侍郎蕭莊稱尊號以爲御史中

丞隨莊終鄴中

節錄南史本傳

明

覃達字達原原籍岳州府石門縣徙枝江元末爲陳友諒萬戶後歸明太祖除荊州衛副千戶洪武十二年調征四川黃坪寇陣亡以忠勇論祭葬大溪坪

湖北通志

見古蹟

王綱江西南昌人隸枝江籍以軍功起家從傅友德征

西有功封侯後歿於陣勅葬祭弟七人俱受封見古蹟

胡崇顯洪武時以卓行薦舉任四川綿竹縣知縣

何真永樂戊子舉人性廉正為諸生時監修學宮拾遺

金甚多盡輸入官後判鳳陽府時獲私鹽數十艘商

人重賄求免不受其厲行如此

潘永智永樂辛卯舉人幼貧嗜學博通經史任廣西梧

州推官以清約稱

田原慶永樂乙未進士累官至御史性剛直舉劾無所

避後監軍蜀中區畫皆有條理以勞瘁卒於官

枝江縣志 卷之十五 人物志上 十

龔讓正統辛卯舉人歷任劇邑廉謹一致未幾自陳解

綬歸

張敏天順六年貢生未詳何官舊志稱其廉以處亡惠

以恤民在任而父母循良之譽滿於道路致仕而院

道獎勵之禮至於家庭則其為人可知矣

何勗正德丙子以貢中南闈舉人任雲南姚安府知府

性矢清潔當官綽有賢聲還鄉人皆重之

裴相正德丙子舉人任廣東南雄府同知委抽太平橋

稅又督修黃册併軍政册俱愜輿情考滿副使劉永

成贈以賦

田達正德時由吏員任浙江東陽縣縣丞以勦賊陞金華同知

劉梯枝江人中嘉靖壬午山東舉人癸未進士任工部

郎中舊志列選舉

卞懃嘉靖時貢生任江西上高縣主簿陞江南上海縣縣丞秉性真率長於詩賦

田大本嘉靖時貢生任河南郊縣縣丞守己清潔行誼純篤雖兒童走卒亦知其名

枝江縣志

卷之十五

人物志上

士

卞堯封隆慶時貢生任四川羅江教諭性慷慨飭廉隅考滿告歸囊無剩物而賑鄰睦族及營建橋闌傾家出之不計也御史藩臬交章薦之辭不就

潘希召萬曆時貢生任襄陽縣訓導溫溫雅度繩趨矩步為士林儀表

何楚望萬曆時貢生初任江南武進縣縣丞恥為佐貳刻意苦節賢聲遠布臺省知之薦陞四川威遠縣知

縣

潘鸞萬曆時選貢任衡州府教授待諸生以禮常衣敝

服坦然自得及引年歸家徒四壁

楊蔚字純白別號太樸其先世從明太祖開國有功爲武畧將軍以千戶侯來守枝城遂爲枝江人蔚以詩書起家弱冠應萬曆癸巳選拔入國學時大學士王錫爵議以經書策論表判爲一場分房校試蔚列第三廷試第二授四川榮昌縣知縣榮昌多悍族好持吏長短號稱難治蔚下車卽榜儀門云一官輕似葉三尺重於山飲冰自矢內外肅然一時強悍皆斂跡待諸生有禮朔望與之講藝竟日其所賞識士如王

枝江縣志

卷之十五

人物志上

十三

應熊喻思恪思恂劉必劉潛倪于義等皆爲名臣在任五年慎死刑民以無冤陞忠州知州致仕歸囊中存書籍數函而已鄉居三十年未嘗一至公廷惟閉戶訓子孫以終老子五湛露載露明經豐露鍾露沉露庠生孫八人

薛之蕙字仲馨號荆陽邑沙沱人父三槐老儒也授徒自給之蕙生七歲喪母隨其父讀塾中年十三父亦死貧苦幾不能卒業十九娶妻高賢而有智甘貧紡績以佐夫讀入邑庠屢試高等中萬曆十九年副榜

秦昌元年應明經廷試授部山東清吏司主事時年六十二天啟四年改岳州府衡陽縣訓導在任五年陞四川重慶府教授致仕歸又三載卒年七十有三子華奇增廣生據薛氏墓誌增入

國朝

余明彝號虎臣與前明邑舉人笱嘉善居同里閉爲諸生時惟以讀書爲事明季流賊搶攘士多廢學明彝獨抱膝長吟或諷之曰詩書果甲冑乎卽文堪華國

枝江縣志

卷之十五

人物志上

三

得有知己一遇哉明彝若弗聞手執卷吟哦不休忽相驚以獻賊至則皆走及使人矚明彝閉戶著書自若里中父老知其爲學道有守人也各以券契篋託度於其讀書處密藏之然篋內實不止券契一時不期而至者至集明彝但令各封記而已賊至焚掠備極慘酷而明彝讀書處卒無恙亂定感來取託度物皆完好如故邑自前明天啟辛酉笱嘉善與全性和同舉於鄉越二十二年崇禎壬午明彝與曹止學同舉於鄉又十年

國朝順治壬辰明彝成進士志稱徐琦爲明洪武初枝
邑開科第一人若明彝者實枝邑淡墨榜中第一人
也釋褐選授陝西甘泉縣知縣在任七年多善政以
歲旱催科下考掛議歸踰年復授順天饒陽縣知縣
循聲卓異奉有內遷之信而明彝卒饒陽舊有馮母
廟明彝至廟中徘徊良久謂從者曰馮母以忠教子
子爲中興名將母得廟食千年官斯土者欲求無負
於衆母必求無慚於廟中之母與其子茲吾所以慄
慄動心也生平著作甚富展轉遷徙概付烟雲僅存

枝江縣志

卷之十五

人物志上

十四

拙存軒詩草詩品清絕讀之如見其人

李冲霄字六翮邑下沱人也順治戊戌進士授直隸清
苑縣知縣持已清正治不煩而化行道府交薦遷有
日矣隨以故告歸行李蕭然內閣李蔚作詩餞之既
歸結茅以居飲食服御若未嘗仕者人皆異之冲霄
曰何異也以金帛遺子孫者損其智以機謀貽子孫
者喪其德余旣拙且貧故無足患且不敢踰分也杜
門謝客時郡伯耿司李方聞其賢推爲鄉飲大賓辭
不就卒年五十八

楊引祚枝江人由沔陽籍中順治丁酉舉人戊戌進士
任四川蒼溪縣知縣累官至浙江提督僉事府志作
提學無

僉事舊志
列選舉

王士任枝江人由歸州籍中康熙乙酉鄉試任湖南武

陵縣教諭王志列
選舉

淡正暄號晴圃世居邑江口北以優貢任隨州學正善

於訓迪引病歸嘉慶癸酉江口隄決正暄罄所藏以

濟災民不足又稱貸益之至今鄉里猶稱道不置云

曹浦蓮號靜軒嘉慶癸酉舉人己卯進士任黃州府學

枝江縣志

卷之十五

人物志上

五

教授黃州夙稱人文淵藪而浦蓮承其家學文章經

術超然絕出在任十八年文教振興黃人士翕然稱

之兼精醫術上官屢事延請浦蓮晉謁外不干以私

一時服其嚴正陞國子監學錄致仕歸卒年八十一

著有桐茂堂稿

楊仲邑龍山坪人藩經歷職嘉慶元年教匪倡亂仲領

鄉勇勦賊以軍功保舉分發浙江歷署金華府通判

衢州府開化縣縣丞借補湖州府安吉縣縣丞署安

吉縣知縣旋署嚴州府建德縣知縣道光元年擧獲

土豪吳名揚功陞嚴州同知尋以疾卒於梅溪官廨
在任忠實清簡卓有政績

張志紱字子佩號來菴邑董市人性伉爽練達有識弱
冠補諸生中道光戊子舉人屢試禮闈不第大挑二
等補宜昌府長樂縣訓導兼署鶴峯州學正考滿道
府保薦以知縣用揀發貴州貴撫蔣公蔚遠一見竒
之庚戌委署銅仁縣知縣銅仁附府獨屬每以漕弊
致變志紱至一清宿弊民安之旋調署定番州知州
定番界交遵義桐梓縣縣有逆民揚澧喜黨數千人

枝江縣志

卷之十五

人物志上

六

連陷數城距定番僅數十里志紱與其壻拔貢生楊
利川率鄉勇禦之獲逆黨百餘人澧喜竄去時遵義
府屬之湄潭亦以徵漕致變環署大閱已數日矣大
憲急檄志紱往往則亦以治銅仁者治之民遂定湄
潭地平衍無城郭民欲捐貲築之志紱曰無險可據
城何益焉但廣練鄉勇力拒要害使賊不入境足矣
三年縣以無事題補貞豐州知州黔本西南夷古羅
施鬼國也其地不足當中原一大郡有事則兵賦兩
絀自粵匪竄擾以來諸苗伺隙屢叛志紱捍禦外侮

內則以撫字爲催科所至皆安堵湄潭之人奉乩若狂志紱禁之及他邑踵此爲煽惑士紳多隸纍囚湄人乃以手加額曰張公生我定番之役大憲偉其功將不次擢用志紱固辭且將解組歸貴撫何公冠英論之曰吾輩多作一日官卽爲百姓多培一日元氣志紱感其意爲逡巡者久之治湄之二三年鄰邑士民麋至獻壽有秋水無塵清光共挹陽春有脚愷澤旁流一聯志紱錄其字而返其幣惻然若有所思居無何竟乞歸其在銅仁任內調充辛亥鄉試同考試官

枝江縣志

卷之十五

人物志上

七

得士多雋異至是門下士及同寅皆慰蓄之志紱言歷任愈久則受恩愈重圖報愈難今馬齒加長不堪驅策矣乃命其子作逸園以待歸歲庚申返里與弟志緒謀建宗祠祠成遽卒年六十有八志緒才調儻以同知銜家居獨力摒擋公私悉倚賴焉志紱與之相友數十年無間言其堂弟盛藻官侍御亦與友愛如胞聞其歿爲墓志以銘之子克俊邑廩貢生候選訓導

周代暄字昶陽三鳳曾孫也年二十中乾隆庚辰武舉

授南漕守禦所守禦告養歸嘉慶時教匪逼境代隨團練鄉勇嚴守備民得安堵督撫上其功隨大軍奏凱獻俘 京師

恩賞花翎授湖南岳州衛守備理漕三年衛丁愛戴及謝病歸皆攀轅流涕送之居家篤友愛與少長遊惟以敦行善事相勸勉卒年九十三子二桂以軍功授主簿浚拔貢生

周代暄字世泰乾隆戊子武舉授四川松藩壘溪營千總三十九年隨貝勒福公康安征金川有功補潼綿

棧江縣志

卷之十五

人物志上

六

營守備加都司銜以足疾告歸性剛正不苟言笑里黨敬畏之卒年七十八子二懋監生恪武舉

楊傳邑楊家塆人嘉慶元年由軍功議叙千總子惟瓏亦以軍功議叙千總考授宜鎮前營守備

忠節

明

王守道永樂十一年征渡馬青龍苗蠻及上下大小坪來溪等寨十二年征船頭窩擒賊首偽平定王王忠封武德將軍正統四年領軍哨守平溪十四年征洪

江卒於軍中

王瑄天順五年領軍廣西哨守落容縣地方六年領兵截殺來賓千戶所苗蠻哨守江口堡地方封武畧將軍七年回所因征殘疾終

李之喬邑廩生崇禎末流賊虜掠鄉村之喬同妻曹氏被執罵賊不屈夫婦俱遇害邑舉人苟嘉善弔以詩

並附錄之

多君罵賊致身亡名擬沉檀火後香強項誰能輕鼎鑊齊眉人亦重綱常文章未就

風雲色姓字偏成日月光當道應須憐壯厲好將狹烈奏明王

王選之家彥子王廷幹十世孫也襲百戶職明季協守

枝江縣志

卷之十五

人物志上

九

容美莊烈帝凶問至痛哭自縊而死

曹清源邑上百里洲人由附生入太學任江西太和縣

縣丞

國初矢節不仕閉樓端坐而逝越七日家人毀樞始見之

楊一登邑百里洲人有勇力崇禎時為團練長流賊連數百艘至流店驛大肆焚掠一登率眾破之斬獲甚眾洲民得全後闖賊大隊復至一登慨慷赴敵與其子俱歿於陣

國朝

張一芝字丹崖郡諸生世居城東里少孤母誓節撫之成立性孝友課子姪綦嚴邑修學宮及文昌宮鳩工集費悉倚以成歲己酉饑偕邑紳請賑贍活甚眾夙尚氣節接交多知名士樽酒聚談縱論古今忠孝事輒慷慨歔歔不能禁蓋天性然也屢試秋闈不售援例就教職初署棗陽縣教諭訓諸生以立品爲先咸豐三年夏署武昌教授時當收復之餘戎氛未靖人皆爲一芝危一芝慨然赴任巡撫青公慶廉其才檄

枝江縣志

卷之十五 人物志上

三

委佐理軍務一芝登陴巡防無虛日方入奏以知縣用無何賊紛至堅壁持久餉不濟而城復陷一芝率勇巷戰奮呼力竭乃曰吾自有死所耳時咸豐四年六月二日一芝坐明倫堂賊脅以刃罵不絕口遂被害年六十

恤贈國子監學錄雲騎尉世職恩騎尉罔替入祀昭忠祠子元廣襲

劉富成邑百里洲人幼落拓有權畧齊力過人始於宜昌鎮前營爲馬卒後隨其兄應募湖南軍咸豐二年

粵賊寇長沙兄陣歿富成亦被創僞僵於道有頃賊過前急起手刃數人餘皆駭走巡撫張公亮基異之擢守備命爲前隊三年張公督楚破賊於麻城馬鞍山富成功居多繼又與賊戰黃岡漢陽漢川等處先鋒鏖陣所向披靡累遷至參戎五年賊陷德安郡城勢甚張大兵築長圍困之積數月不下時賊得巨礮以禦我軍將卒莫敢築塘中丞胡文忠公林翼謂富成曰汝能陷陣先登將膺上賞否則必以爲戮富成慨然赴敵方追城賊飛礮斃之事聞

枝江縣志

卷之十五

人物志上

三

恤贈副將

賜諡勇恪世襲雲騎尉子仁龍

曹立法庠生申杜子年十六入宜昌鎮左營効力有功給六品軍功職旋移義順營更名金榜屢著勞勩節相官公文保舉千總賞戴藍翎同治二年隨駟鐵營將領守蘄黃以功保游擊是年九月二十一日在麻城縣李家集與賊決戰三日力竭陣亡

孝義

明

陳紀邑五都人刲股療母病又斷指焚香祈延母壽嘉靖二十四年當道獎勵

方釗邑董市人家貧少孤事母鄭極孝爲人傭力以供甘旨每於所傭家得肉食果核必懷歸奉母母病噎廢食釗祈以身代遂割股和藥以進母病旋愈鄉里以其事上當道旌之

楊琨初名舟字載之幼有至性六歲喪父事母盡色養弱冠應童子試督學董得其卷異之以示守令曰非篤孝人不能爲此文也詎之果然琨喜讀書持躬純

枝江縣志

卷之十五

人物志上

三

篤嘗謂謹言慎行一生行之恐不能盡性好施里中有貧死不能葬者每捐助焉一日使僕視稼縛得盜稼者琨急叱其僕釋之曰吾令爾視稼未令爾作他事也盜以此感愧改行教諭侯惟烈傳其事

王成美好善樂施崇禎末流賊攻陷枝江城縣令胡投江成美救之得不死

劉秉正邑庠生慷慨有氣節李自成陷荊州枝邑震動縣令胡出巡江舟子刲之降賊秉正直前以身蔽之言辭侃侃義形於色令由是得免

馮嗣京邑庠生母朱氏病篤禱藥不效乃割股以進學
博士申督學獎賞

史宏業邑庠生性孝而家極貧父綰英病不能延醫具
湯藥割股進之愈

王紹吉家貧力耕奉養父病篤割股以進愈後渡江遇
風舟覆溺死人皆惜之

冉超求割股進父父病卽愈康熙四年縣令周廷桂詳
道府獎賞

周三鳳邑庠生明千戶子德裔也慷慨好義崇禎辛未

枝江縣志

卷之十五

人物志上

三

應試荆郡有遺金於廁者拾而候之移時失金者至
倉皇無措三鳳驗問相符悉還之其人欲分半以贈
拒不受同學矜以爲義聞於督學學使以拾金不昧
額獎之予承文性謹厚康熙十八年吳逆甫平有誣
毛蔡二姓受僞職者官繫之獄承文請以全家保後
檢得僞冊實無毛蔡姓氏寃遂白活人無算縣令李
毓昌贈以一門介祚額孫懋坦亦尙義行遇急難事
及族中嫁娶無貲者輒曲成之年八十餘未嘗一履
訟庭子姓繁昌列膠庠登武闈者踵相接也

彭昌道字君遇邑澌洋洲庠生幼有至性喜讀書其弟昌言亦邑庠生死流賊之難遺一子冕昌道攜之與其妻陳及六子避難中途遇賊妻子殲焉昌道匿得免教育成名昌道繼娶雷氏生二子長昊次崙亦入庠道性慈祥好善樂施見義勇爲明季賊氛四起洲當大江中疊遭焚掠遺民逃亡幾盡

國朝定鼎昌道皆代守其田廬令人招之悉還無隱有周氏兒已孤矣廬燬於賊田沒於豪將朝夕待盡昌道以理論豪還其田視爲亡子婚嫁畢爲葺其廬歸

枝江縣志

卷之十五

人物志上

五

之凡周氏田所入悉以給之毫髮無所私其生平義行多此類晚年修等界寺及洲大路蓋好善之心老而彌篤云卒年七十六

楊必發字茂亭邑一都人兄必政弟必達俱早歿諸子在襁褓撫如己出課耕讀不稍倦居家務勤儉凡事皆以身任初必發未受室而兄弟歿有勸之娶者必發曰吾非矯強亦行其心之所安而已身非大宗現有昆弟子撫之卽吾子也元紫芝已見於前事矣立姪有春爲嗣姪有光拔貢生有香邑庠生皆必發所

成也卒年九十三

黃永昌字卜周邑監生居董灘口人敬其名以字行性敏達有遠識與姊夫張會品姻好最篤合計經營同居五十餘年食指盈百未嘗有纖芥嫌會品先卒其子富兄弟四人周視如子後皆樹偉望人咸曰洛中奕奕慶孫越石今再見之董市濱江恃黃龍岡爲左翼卜周嘗陟岡以瞰江流慨然興嘆謂數紀後市其墟矣是時洪流尙在外江岡漸坍塌逼近水府廟址乃倡議砌石磯以衛之工未竣而卜周謝世此嘉慶

校江縣志

卷之十五

人物志上

五

中年事也越咸豐初年會品孫志緒諗知洪流改徙內江卜周所嘆將左驗爰集闔市再議續修石磯閱兩載告成咸豐十年大水江濤沸騰如山摧雷震彝陵以下溯洗一空董市得保無恙磯之力也人以是多志緒之功而益誦卜周之先見云

張富字兆麟號靜山贈君會品長子也宏亮沈毅卓冠時賢邑中諸鉅務咸待理焉少孤援例入成均撫其弟濳濤澳延師教育家遂大起枝邑與松滋學額等塙嘉慶二十一年十所改隸松滋祖松夷枝者議撥

枝額附益於松富奔赴大庭力陳枝學原委無關所籍去畱由是學額得如舊丹陽書院膏火支絀賓興創始尤難前令蔣祖暄謀於富立集金錢四千餘緡交質庫生息積有贏餘嗣經仲子志緒總理邑令朱啟鴻增訂章程推廣其澤士林沾溉垂四十年富早副物望素立不欺道光元年舉孝廉方正以少孤廢學辭居父喪哀毀盡禮母喪營兆域重跣數月不遑息既得卜術家驚嘆爲神年七十有八無疾卒生平義舉甚多惟倡建宗祠稍晚以屬其長子志紱後官枝江縣志

卷之十五

人物志上

三

於黔乞致歸成之以志紱官刺史姪盛藻官侍御

誥贈奉直大夫

覃恩晉贈中憲大夫

李志楫邑江口人優增生衍斌子也性真摯事父母備極色養居喪哀毀盡禮與兄志瀛友愛甚篤志瀛任施南府學訓導志楫獨任家政教養子姪人共稱之沈大典邑西南烟墩人與兄大華業負販友愛甚篤出入一聽命焉一日同兄至董市渡江遇風舟覆大典以力强蹠浪出登岸見兄尙附舟尾呼救大典復挺

身赴浪已援兄手風狂裹布帆中溺焉家人沿江覓屍至岳州始出水面兩人手猶相握甚固殮歸葬之時大華有二子大典無嗣大華妻許以次子爲之後彭先香字若蘭邑澌洋洲人性和介識大義少失怙恃業儒未成兄弟三先香其季也大母命析居先香以腴者推兄已取其瘠者待鄉里有恩誼凡租其田者取甚廉而借貸不能償者毀其券道光庚寅隄潰人多漂溺先香命二子操舟往濟全活甚衆自恨少未讀書命三子瑄負笈從師卒成令器

枝江縣志

卷之十五

人物志上

三

彭昌珍邑花溪里人咸豐十年

旌表孝子

昌珍農家子父淵年臻上壽晚得痰疾昌珍侍湯藥不少離夜宿父側聞咳唾聲卽起承

之父沒廬墓三年晨卽依其母黎視膳畢仍事田作待母病亦如之母患噎艱於食昌珍亦不食母卒復廬墓哀號行路爲感泣焉

按例存不列傳昌珍孝聞於

朝故附錄其事